

1.0 Sejarah Kelahiran Al-Shāfi‘ī

Berkenaan tarikh kelahiran al-Shāfi‘ī, para ulamak sejarah bersepakat bahawa beliau dilahirkan pada tahun 150H bersamaan 767M¹. Pada tahun kelahiran ini, al-Shāfi‘ī sering dikaitkan dengan pemergian Imām Abū Ḥanīfah. Kerana itu beliau sering dianggap *mujaddid* bagi kurun tersebut sebagai pengganti kepada pemergian seorang imam².

Menurut setengah pihak, Imām al-Shāfi‘ī dilahirkan pada siang hari Jumaat di bulan Rejab. Dikatakan pada malam hari tersebut Abū Ḥanīfah meninggal dunia³. Namun dakwaan ini ditolak beberapa kalangan ulamak, seperti Imām Al-Bāyhaqī dan Abū Zuhrah⁴. Ini kerana tidak terdapat riwayat yang kuat dan *sahīh* berhubung isu ini⁵.

Mengenai tempat kelahiran beliau, para ahli sejarah berbeza pendapat berdasarkan kepada fakta sejarah⁶:

1. Al-Shāfi‘ī dilahirkan di Ghazzah (Palestin). Fakta ini berdasarkan pengakuan al-Shāfi‘ī : “Aku telah dilahirkan di Ghazzah pada tahun 150H / 767M”.
2. Al-Shāfi‘ī dilahirkan di bandar ‘Asqalān, Palestin. Bandar ini terletak kira-kira tiga *farsakh*⁷ dari pekan Ghazzah. Al-Shāfi‘ī menyatakan : “Aku telah dilahirkan di

¹ Al-Nawawī, Abū Zakariyā Yahyā bin Sharf(1992), *Tahdhīb al-Asmā’ wa al-Lughāt*, Beirut, Dār Kutub ‘Ilmiyyah, Jld 1, h 26.

² Abū Zuhrah, Muhammad (1996). *Al-Shāfi‘ī*, Cet 2, Kaherah, Dār Fikr Arabī, h15.

³ Al-Zubāydi, Muhammad Murtadā(1965), *Tāj al-‘Arūs min al-Jawāhir al-Qamūs*, Kuwāyt ,Wizārah al-Irshād wa Anbā’, Jld 8, h 4.

⁴ Abū Zuhrah, Muhammad (1996), *Tārīkh al-Madhbāh al-Islāmiyyah*, Kaherah ,Dār Fikr ‘Arabī, h 424 & al-Bāyhaqī, Abu Bakar Ahmad (1971), *Manāqib Imām Al-Shāfi‘ī*, Kaherah , Dār Turāth, h 11.

⁵ Al-Mas‘ūdī, Dr Muhamad Radid (1996), *Al-Mu’tamad min Qadīm Qāwl Al-Shāfi‘ī ‘alā al-Jadīd*, Riyād,Dār ‘Alam Kutub, h 8.

⁶ Al-Hamawī, Ibn Abd Allāh Yaqūt Abd Allāh(1980), *Mu’jam Udarā*, Beirut, Dār Kutub ‘Ilmiyyah, Jld 17, h 282.

⁷ Satu *farsakh* bersamaan tiga batu.

‘Asqalan, dan terletaknya ‘Asqalan dari Ghazzah dalam tiga farsakh, dan kedua-duanya di Palestin”.

3. Al-Shāfi‘ī dilahirkan di Yaman. Al-Shāfi‘ī berkata : “Aku telah diberanakkan di Yaman, kerana takut terpencil, maka ibuku telah membawa aku pergi ke Mekah”.

Melihat fakta di atas, pendapat pertama dan kedua lebih mendapat sokongan dari kebanyakan ahli sejarah⁸. Sebahagian besar para ulamak pula menguatkan pendapat pertama disebabkan kekuatan sanadnya⁹. Bagaimana pun, pendapat pertama dan kedua dapat dikompromikan bahawa al-Shāfi‘ī dilahirkan di Ghazzah. Kemudian ibunya membawanya ke ‘Asqalān, memandangkan ‘Asqalān adalah bandar, sedangkan Ghazzah adalah kampung. Maka maksud al-Shāfi‘ī dengan Ghazzah, adalah kampung kelahirannya, dan ‘Asqalān pula bandar bagi Ghazzah¹⁰.

Mengenai pendapat ketiga, setengah ulamak menta’wīlkan perkataan “Yaman” bermakna majoriti penduduk di Ghazzah dan ‘Asqalān terdiri dari arab Yaman¹¹. Tetapi, ada dikalangan ulamak yang menta’wīlkan maksud “Yaman” itu adalah kabilah Yaman¹². Namun persepakatan mengatakan al-Shāfi‘ī dilahirkan di Palestin mengikut majoriti ahli sejarah.

⁸ Nahrawī, Ahmad (1988), *Imām Al-Shāfi‘ī fī Madhhabāyhi al-Qadīm wa al-Jadīd*, Cet 1, Maṭba‘ah Kaherah, h 28.

⁹ Ibn Ḥajar ‘Asqalānī, Ahmad bin Ali (1301H), *Tawālī Ta’sīs bi al-Ma’ālī Ibn Idrīs*, Kaherah , Maṭba‘ah Munīriyyah, h 49.

¹⁰ Nahrawī, Ahmad (1988), *Op.cit*, h 27.

¹¹ Al-Hamawī, Ibn Abd Allāh Yaqūt Abd Allāh(1980), *Mu’jam Udarabā*, Beirut, Dār Kutub ‘Ilmiyyah, Jld 17, h 282.

¹² Ibn Ḥajar ‘Asqalānī, Ahmad bin Ali (1301H), *Op.cit*, h 49.

2.0 Keturunan Al-Shāfi‘ī

2.1 Nasab Al-Shāfi‘ī Sebelah Bapa

Ahli sejarah bersepakat bahawa nasab al-Shāfi‘ī sebelah bapa berasal dari keturunan Qurāysh. Ini kerana nasab bapanya terhenti kepada al-Muṭṭalib, yang merupakan adik beradik dengan Hāshim iaitu moyang Nabi Muhammad S.A.W¹³. Secara jelas nasab al-Shāfi‘ī sebelah bapa adalah:

Al-Shāfi‘ī adalah Muḥammad bin Idrīs bin Al-‘Abbās bin Uthmān bin Shāfi‘ bin Sā’ib bin ‘Ubāyd bin Abd Yazīd bin Hāshim (bukan moyang Nabi) bin Al-Muṭṭalib bin Abd Manāf. Nama panggilan bagi al-Shāfi‘ī pula adalah Abū ‘Abd Allāh¹⁴.

Daripada salasilah di atas, dapat dirumuskan seperti berikut :

1. Moyang al-Shāfi‘ī, Al-Muṭṭalib dengan moyang Nabi S.A.W, iaitu Hāshim adalah anak ‘Abd Manāf¹⁵. Maka nasab al-Shāfi‘ī dari sebelah bapanya bertemu dengan nasab Rasullulah S.A.W pada jalur ‘Abd Manāf¹⁶.
2. Seramai empat orang dari keturunan -moyang- al-Shāfi‘ī terdiri dari para sahabat Nabi S.A.W. Antaranya: ‘Abd Yazīd, ‘Ubāyd, Sā’ib dan Shāfi‘¹⁷. Contohnya, al-Sā’ib pernah ditawan dan telah menebus dirinya dengan harta dan kemudian memeluk Islam¹⁸.

¹³ Al-Mas‘ūdī, Muḥammad Radīd (1996), *Al-Mu’tamad min al-Qadīm Qāwl Al-Shāfi‘ī ‘alā al-Jadīd*, Riyāḍ, Dār Kutub, h 7.

¹⁴ Ibn Ḥazm, Abū Muḥammad ‘Alī bin Ahmad (1983), *Jamharah Ansāb al-A’rāb*, Beirut , Dār Kutub ‘Ilmiyyah, h 73.

¹⁵ Judlī, Nūr Abd (2006), *Manāhij Fuqahā’ al-Arba’ah*, Cet1, Dār Tajdīd, h118.

¹⁶ Al-Nawawī, Abū Zakariyā Yaḥyā bin Sharf(2001), *Al-Majmū’ Sharḥ Muhadhdhab*, Cet1, Beirut, Dār Iḥyā’ al-Turāth al-‘Arabī, Jld 1, h 23.

¹⁷ Ibn Ḥajar ‘Asqalānī, Ahmad bin Ali (1939), *Al-Isābah fī Tamyīz Al-Sahābah*, Beirut, Dār Kutub ‘Ilmiyah, Jld 2, h 424.

¹⁸ Al-Rāzī, Fakhr Al-Dīn Muḥammad bin Umar bin Alī (t.t), *Manāqib Imām Al-Shāfi‘ī*, Kaherah, Maktabah ‘Alāmiyyah, h 3.

3. Keakraban nasab keturunan Banī Al-Muṭṭalib dengan Banī Hāshim sangat erat. Hal ini diperakui oleh Nabi S.A.W melalui sabdanya : “Banī Hāshim dan Banī Al-Muṭṭalib adalah satu keturunan”¹⁹. Dari keturunan yang mulia ini, al-Shāfi‘ī sering dijuluki dengan gelaran “Al-Imām Al-Muṭṭalibī Al-Hāshimī Al-Qurashī”²⁰.

Terdapat pendapat *shādh* mengatakan al-Shāfi‘ī berasal dari keturunan hamba yang meminta untuk dijadikan sebagai saudara (*mawālī*) kepada bangsa Quraysh²¹. Bagaimana pun, Fakhr Al-Dīn Al-Rāzī menolak sekerasnya dengan hujah-hujah berikut²² :

1. Pengakuan al-Shāfi‘ī sendiri di hadapan khalifah Hārūn Al-Rashīd bahawa beliau berketurunan Quraysh ketika dituduh sebagai *Shī‘ah ‘Alawiyah*. Ini bermakna al-Shāfi‘ī cukup terkenal dengan nasab keturunannya yang mulia.
2. Tokoh ulamak hadis dan sejarah memperakui kebenaran nasab al-Shāfi‘ī, seperti kenyataan Imām Muḥammad bin Ismā‘īl al-Bukhārī, Imām Muslim bin Ḥajjāj dan Imām Ibn Ḥajar al-‘Asqalānī²³.

2.2 Nasab Al-Shāfi‘ī Sebelah Ibu

Ahli sejarah telah berselisih pendapat mengenai salasilah al-Shāfi‘ī sebelah ibu, kepada dua pendapat :

¹⁹Al-Mas‘ūdī, Muḥammad Radīd (1996), *Al-Mu’tamad min al-Qādīm Qāwl Al-Shāfi‘ī ‘alā al-Jadīd*, Riyāḍ, Dār Kutub, h 8.

²⁰Maszlee Malik (2007), 22-23 Ogos, *Seminar Pemikiran Tajdīd Imām Al-Shāfi‘ī*, Kertas Kerja III ,API, UM, h 1.

²¹Al-Rāzī, Fakhr Al-Dīn Muḥammad bin Umar bin Alī (t.t), *Maṇāqib Imām Al-Shāfi‘ī*, Kaherah, Maktabah ‘Alāmiyyah, h 3.

²²*Ibid*, h 4-5.

²³Ibn Ḥajar ‘Asqalānī, Ahmad bin Ali (1939), *Al-Isābah fī Tamyīz Al-Ṣaḥābah*, Beirut, Dār Kutub ‘Ilmiyah, Jld 2, h 42.

1. Pendapat masyhur mengatakan ibu al-Shāfi‘ī berasal dari suku kaum Al-Azd, yang berdarah arab Yaman. Riwayat Ibn ‘Abd Ḥakam dari al-Shāfi‘ī : “ Ibuku berasal dari suku kaum Al-Azd, dan beliau telah mendapat gelaran Umm Ḥabībah Al-Azdiyyah ”. Pendapat ini diperkuuhkan dengan pengakuan cucu al-Shāfi‘ī, iaitu Muḥammad (anak lelaki kepada anak perempuan al-Shāfi‘ī) sendiri²⁴.
2. Pendapat *shādh* pula mengatakan ibu al-Shāfi‘ī adalah Fāṭimah binti ‘Abd Allāh bin Husayn bin Ḥasan bin ‘Alī bin Abī Tālib²⁵, dan pendapat ini disokong oleh al-Subkī. Namun pandangan ini ditolak kerana ia bertentangan *ijmā*²⁶. Kerana riwayat yang *thābit* dari al-Shāfi‘ī adalah : “ ‘Alī bin Abī Tālib adalah anak kepada bapa saudaraku sebelah bapa, dan anak kepada mak saudaraku sebelah ibu ”²⁷. Maka menurut al-Nawawī, ibunya adalah Fāṭimah binti ‘Abd Allāh dari bangsa al-Uzd²⁸.

3.0 Ahli Keluarga Al-Shāfi‘ī

Al-Shāfi‘ī telah berkahwin dengan Ḥamīdah binti Nāfi‘ bin Uyānah bin ‘Amrū bin Uthmān bin ‘Affān, iaitu cicit kepada khalifah Uthmān bin ‘Affān²⁹. Umur al-Shāfi‘ī ketika itu sekitar 29 atau 30 tahun³⁰. Hasil perkongsian hidup, al-Shāfi‘ī telah dikurniakan seorang anak lelaki dan dua anak perempuan. Anak sulung beliau bernama Muḥammad, dan nama timangannya adalah Abū Uthmān. Abū Uthmān merupakan

²⁴Ibn Ḥajar ‘Asqalānī, Ahmad bin Ali (1301H), *Tawālī Ta’sīs bi al-Ma’ālī Ibn Idrīs*, Kaherah , Maṭba‘ah Munīriyyah, h 45.

²⁵Al-Subkī, ‘Abd Wahab bin Alī bin Abd Kāfi (t.t), *Tabaqāt Al-Shāfi‘īyyah Al-Kubrā*, Kaherah, Maṭba‘ah Husānyiyyah, Jld 1, h 100.

²⁶Abū Zuhrah, Muḥammad (1996), *Al-Shāfi‘ī*, Cet 2, Kaherah, Dār Fikr ‘Arabī, h 17.

²⁷Al-Subkī, ‘Abd Wahab bin Alī bin Abd Kāfi (t.t), *Op.cit*, h 46.

²⁸Al-Nawawī, Abū Zakariyā Yaḥyā bin Sharf(2001), *Al-Majmū‘ Syarḥ Muhadhdhab*, Cet1, Beirut, Dār Ihyā’ al-Turāth al-‘Arabī, Jld 1, h 14.

²⁹Sihabuddin Muhaeimin (2005), *Pandangan Al-Shāfi‘ī dalam Qāwl Qadīm & Qāwl Jadīd* :satu analisis, Akademi Pengajian Islam, h 30.

³⁰Al-Rāzī, Fakhr Al-Dīn Muḥammad bin Umar bin Alī (t.t), *Manāqib Imām Al-Shāfi‘ī*, Kaherah, Maktabah ‘Alāmiyyah, h 17.

qādī di kota Ḥalab, Syam. Manakala dua anak perempuan al-Shāfi‘ī, bernama Fātimah dan Zāynab.

Dikatakan al-Shāfi‘ī juga telah berkahwin dengan hamba perempuannya. Hasil pernikahan itu, beliau mendapat seorang lagi anak lelaki bernama Ḥasan. Namun Ḥasan telah meninggal dunia sejak kecil³¹. Ada riwayat lain mengatakan al-Shāfi‘ī mempunyai tiga anak lelaki dan seorang anak perempuan. Maksudnya, selain Muḥammad (Abū Uthmān) dan Ḥasan, seorang lagi anak lelaki beliau bernama ‘Abbās, sedangkan anak perempuan beliau hanya Fātimah³².

Walaupun berlaku perbezaan riwayat, namun riwayat yang disokong adalah al-Shāfi‘ī mempunyai dua orang isteri dan empat orang anak. Hal ini diperakui oleh cucu al-Shāfi‘ī Alḥmad bin Muḥammad yang merupakan anak kepada anak perempuan al-Shāfi‘ī Fātimah³³.

4.0 Kewafatan Al-Shāfi‘ī

Berkenaan kewafatan al-Shāfi‘ī, di sana terdapat beberapa faktor kepada kematian beliau :

1. Al-Shāfi‘ī mengidap penyakit buasir yang kronik. Dikatakan penyakit ini dihidap beliau kerana pengambilan sejenis tumbuhan yang dinamakan *al-lubbān*, untuk tujuan menghafal dan menguatkan ingatan³⁴.

³¹ *Ibid*, h 17.

³² Ibn Ḥazm, Abū Muḥammad ‘Alī bin Ahmad (1983), *Jamharah Ansāb al-A’rāb*, Beirut , Dār Kutub ‘Ilmiyyah, h 73.

³³ Al-Qurṭubī, Abū Umar Yūsuf bin Abd Al-Barr (1980), Muḥammad Al-Anṣārī (Ed), *Al-Intiqā’ fī Faḍā'il al-Thalāthah al-A’immah*, *Mālik, Shāfi‘ī, Abī Hanīfah*, Beirut, Dār Kutub ‘Ilmiyyah, h 68.

³⁴ Ibn Ḥajar ‘Asqalānī, Ahmad bin ‘Alī (1301H), *Tawālī Ta’sīs bi Al-Ma’ālī Ibn Idrīs*, Kaherah, Maṭba‘ah Munīriyyah, h 86 & Ibn Jāwzī,

Murid beliau Rabī' al-Murādī pernah menceritakan : “Al-Shāfi‘ī sangat derita dengan penyakit buasirnya, sehingga kadang-kadang aku melihat darah mengalir keluar sehingga membasahi seluar dan khufnya, ketika beliau sedang menunggang tunggangan beliau”³⁵.

2. Akibat kesan luka di kepala kerana dipukul sekumpulan pengikut fanatik mazhab malik yang bernama Fityān bin Abū Samah Al-Mālikī. Kejadian ini berlaku hasil perdebatannya dengan al-Shāfi‘ī berkenaan hukum “*Bāy’ Al-Hur*”, iaitu menjual hamba yang telah digadai, dan hamba itu pula telah dimerdekakan oleh pengadai, iaitu tuan kepada hamba tersebut³⁶. Mengikut reaksi kebanyakan para ulamak, mereka menafikan kejadian ini. Ini kerana riwayat kisah ini tidak *sāhih* di sisi ulamak *al-tārīkh* menurut Ibn Hajar Al-‘Asqalānī³⁷. Selain kisah ini juga tidak logik menurut Abū Zuhrah³⁸.
3. Terdapat beberapa ulamak ekstrimis mazhab Mālikī di Mesir yang sentiasa mendoakan al-Shāfi‘ī segera meninggal dunia. Memandangkan kewujudan al-Shāfi‘ī di Mesir mengakibatkan mazhab Mālikī hilang pengaruhnya³⁹. Namun faktor ini kelihatan berunsur prejudis.

³⁵ Abū al-Farj Abd Rahmān bin ‘Alī al-Jāwzī(1935), *Sifat al-Šafwah*, Kaherah, Dār Ma‘ārif, Jld 1, h 258.

³⁶ Al-Mas‘ūdī, Muḥammad Raḍīd (1996), *Al-Mu’tamad min al-Qadīm Qāwl Al-Shāfi‘ī ‘alā al-Jadīd*, Riyād, Dār Kutub, h 35.

³⁷ Al-Hamawī, Ibn Abd Allāh Yaqūt Abd Allāh(1980), *Mu’jam Udarabā*, Beirut, Dār Kutub ‘Ilmiyyah, Jld 17, h 53.

³⁸ Ibn Ḥajar ‘Asqalānī, Ahmad bin Ali (1301H), *Tawālī Ta’sīs bi al-Ma’ālī Ibn Idrīs*, Kaherah, Maṭba‘ah Munīriyyah, h 86.

³⁹ Abū Zuhrah, Muḥammad (1996), *Tārīkh Madhāhib Islāmiyyah*, Kaherah, Dār Fikr ‘Arabī, h 437.

³⁹ Al-Qādī, Abu Faḍl ‘Iyād bin Mūsā al-Yahsabī, *Tartīb al-Madārik wa Tagrib al-Masālik li al-Ma’rifah ‘Alā Madhdhab Mālik*, Beirut, Dār Ihyā’ al-Turāth al-‘Arabī, h 453.

Kesimpulannya, majoriti ulamak sejarah telah bersepakat bahawa al-Shāfi‘ī meninggal dunia pada malam Jumaat, selepas waktu isyak pada hari terakhir bulan Rejab, bersamaan 4 Januari tahun 820M/204H. Beliau ketika itu berusia 54 tahun⁴⁰.

4.0 Sejarah Kehidupan Al-Shāfi‘ī

4.1 Kehidupan Al-Shāfi‘ī di Mekah

Al-Shāfi‘ī telah dibesarkan dalam keluarga miskin. Bapanya telah meninggal dunia sewaktu beliau masih dalam buaian lagi⁴¹. Kerana takut al-Shāfi‘ī kehilangan identitinya sebagai arab Quraysh, ibunya telah membawanya ke Mekah. Pada ketika itu al-Shāfi‘ī baru berumur 2 tahun, iaitu sekitar tahun 151H atau 152H. Ada riwayat lain mengatakan umurnya 10 tahun, iaitu sekitar tahun 160H atau 161H⁴². Menurut Abū Zuhrah, kedua-dua riwayat ini bermakna al-Shāfi‘ī berangkat ke Mekah sebanyak dua kali. Kali pertama ketika berusia 2 tahun bagi tujuan berkenalan dengan saudara maranya. Kali keduanya sewaktu berumur 10 tahun dengan tujuan terus menetap di Mekah⁴³. Di Mekah, al-Shāfi‘ī tinggal di *shi‘ib al-khāyf*⁴⁴.

Di Mekah al-Shāfi‘ī telah mempelajari al-Quran tanpa dikenakan bayaran oleh gurunyanya⁴⁵. Ini kerana beliau berjaya menghafal ke semua ayat al-Quran dalam usia

⁴⁰ Al-Qurṭubī, Abū Umar Yūsuf bin Abd Al-Barr (1980), Muḥammad Al-Anṣārī (Ed), *Al-Intiqā’ fī Faḍā'il al-Thalāthah al-Aimma*, Mālik, *Shāfi‘ī, Abī Ḥanīfah*, Beirut, Dār Kutub’ Ilmiyyah, h 102.

⁴¹ Abū Zuhrah, Muḥammad (1996), *Al-Shāfi‘ī*, Cet 2, Kaherah, Dār Fikr ‘Arabī, h 17-18.

⁴² Al-Baghdādī, Abū Bakr Aḥmad bin Alī al-Khāṭib (1931), *Tārīkh Baghdād*, Mesir, Maktabah al-Khanjī, Jld 13, h 59.

⁴³ Abū Zuhrah, Muḥammad (1996), *Al-Shāfi‘ī*, *Op.cit.*, h 17.

⁴⁴ Al-Rāzī, Abū Abd Rahmān bin Abī Hātim (1953), *Adab al-Shāfi‘ī wa Manāqibuhū*, Cet 1, Kaherah, Maṭba‘ah al-Sa‘ādah, h 7.

⁴⁵ Al-Rāzī, Fakhr Al-Dīn Muḥammad bin Umar bin Alī (t.t), *Manāqib Imām Al-Shāfi‘ī*, Kaherah, Maktabah ‘Alāmiyyah, h 9.

yang muda, iaitu 7 tahun⁴⁶. Beliau juga diberi kepercayaan oleh gurunya dalam mengimamkan solat⁴⁷. Kemudian, al-Shāfi‘ī beralih pengajiannya ke bidang hadis dengan menghadiri setiap majlis-majlis ilmu di sana. Sewaktu mempelajari hadis, al-Shāfi‘ī akan menghafal ke semua hadis yang dipelajarinya, atau menulis hadis-hadis itu di atas tembikar, kulit binatang, dan tulang belulang haiwan⁴⁸. Sehingga beliau sanggup mengutip kertas-kertas terpakai di pejabat kerajaan bagi menulis hadis pada halaman yang belum digunakan⁴⁹.

Bagi memantapkan ilmu bahasanya, al-Shāfi‘ī telah pergi ke perdesaan suku *Banī Hudhāyl*⁵⁰. Dimana *Banī Hudhāyl* merupakan golongan arab Badwī yang sangat mementingkan syair dan sastera arab yang tulen. Untuk itu, al-Shāfi‘ī telah menetap di sana selama 10 tahun⁵¹. Tujuan al-Shāfi‘ī adalah bagi memelihara bahasa arab *fūshahnya* dari pengaruh bahasa ‘*ajam* yang menular⁵². Kehebatan al-Shāfi‘ī dalam bidang bahasa dan sastera arab telah diperakui oleh kebanyakan ahli sasterawan. Contohnya : Abū Ubāyd sebagai tokoh sasterawan ada menyebut : “al-Shāfi‘ī terdiri di antara mereka yang diambil daripadanya bahasa Arab ”. Imām Aḥmad dan Abd Mālik bin Hishām juga ada berkata : “kata-kata al-Shāfi‘ī merupakan hujjah dalam bahasa Arab ”⁵³. Al-Asma‘ī sebagai pakar rujuk bahasa juga berkata : “aku telah memperbaiki

⁴⁶Ibn Imād, Abd al-Hāyy Muḥammad al-Ḥanbalī (1979), *Shadharāt al-Dhahab fī Al-Akhbār Man Dhahab*, Beirut, Dār al-Maṣīrah, Jld 2, h 9.

⁴⁷Al-Bāyhaqī , Abū Bakar Aḥmad al-Ḥusayn (1971), *Manāqib al-Imām al-Shāfi‘ī*, Cet 1, Kaherah, Dār Ihyā’ Turāth, h 14.

⁴⁸Al-Hamawī, Ibn Abd Allāh Yaqūt Abd Allāh(1980), *Mu’jam Udarabā*, Beirut, Dār Kutub ‘Ilmiyyah, Jld 17, h 284.

⁴⁹Abū Zuhrah, Muḥammad (1996), *Al-Shāfi‘ī*, Cet 2, Kaherah, Dār Fikr ‘Arabī, h 18.

⁵⁰Al-Nawawī,Abū Zakariyā Yahyā bin Sharf(1992), *Tahdhīb al-Asmā’ wa al-Lughāt*, Beirut, Dār Kutub ‘Ilmiyyah, Jld 1, h 50.

⁵¹Abū Zuhrah, Muḥammad (1996), *Al-Shāfi‘ī*, *Op.cit*, h 19.

⁵²Abū Zuhrah, Muḥammad (1996), *Tārīkh Madhāhib Islāmiyyah*, Kaherah, Dār Fikr ‘Arabī, h 426.

⁵³Abū Sulaymān, Aḥmad bin Abd Allāh (1999), *Manhajīyyah Imām Muḥammad bin Idrīs Al-Shāfi‘ī*, Cet 1, Beirut, Dār Ibn Ḥazm, h 22.

syair-syair Hudhāyl melalui seorang pemuda yang bernama Muḥammad bin Idrīs al-Shāfi‘ī⁵⁴.

Ketika di Mekah juga, al-Shāfi‘ī telah dilatih memanah dan menunggang kuda, sehingga beliau telah mencapai kemahiran yang sangat tinggi dalam kedua-dua bidang sukan ini⁵⁵. Selain belajar ilmu hadis dan sastera arab, al-Shāfi‘ī juga mempelajari ilmu fiqh dengan mendampingi tokoh ulamak handalan di Mekah, seperti Muslim bin Khālid Al-Zinjī dan Sufyān bin Uyāynah⁵⁶.

4.2 Guru-guru Al-Shāfi‘ī di Mekah

Ketika di Mekah, al-Shāfi‘ī telah berguru dengan beberapa tokoh ulamak hadis dan fiqh yang terkenal. Antaranya adalah :

1. Muslim bin Khālid Al-Zinjī (wafat 180H); beliau merupakan mufti Mekah dan seorang tokoh ulamak hadis yang terkenal⁵⁷.
2. Sufyān bin Uyāynah Al-Hilālī (wafat 198H); beliau merupakan seorang *muhaddith* yang cukup terkenal, bahkan seorang yang pakar dalam ilmu hadis⁵⁸.
3. Abū Uthmān Sa‘īd bin Sālim Al-Qaddāh ; seorang yang benar dan boleh diterima riwayat hadisnya.⁵⁹
4. Dāwūd bin Abd Al-Rahmān Al-Attār (wafat 174H); beliau merupakan guru al-Shāfi‘ī dalam bidang hadis, fiqh serta ilmu perubatan⁶⁰.

⁵⁴Al-Mas‘ūdī, Muhamad Radīd (1996), *Al-Mu’tamad min al-Qadīm Qāwl Al-Shāfi‘ī ‘alā al-Jadīd*, Riyād, Dār Kutub, h 10.

⁵⁵Abū Zuhrah, Muhammad (1996), *Al-Shāfi‘ī*, Op.cit, h 19.

⁵⁶Abū Zuhrah, Muhammad (1996), *Tārīkh Madhāhib Islāmiyyah*, Op.cit, h 427.

⁵⁷Ibn Sa‘ad, Muhammad bin Sa‘ad bin Munī’ al-Baṣrī (t.t), *Tabaqāt al-Kubrā*, Beirut, Dār al-Sadr, Jld 5, h 499.

⁵⁸Ibn Khalikān, Shams al-Dīn Abī al-Abbās Aḥmad bin Muhammad(1949), *Wafayāt al-A‘yān wa al-Anbā‘a Abnā‘a al-Zamān*, Kaherah, Maktabah Nahdah al-Miṣriyyah, Jld 2, h 130.

⁵⁹Ibn Ḥajar ‘Asqalānī, Aḥmad bin Alī (2000), *Tahdhīb al-Tahdhīb*, Beirut, Muassasah al-Risālah, Jld 4, h 35.

5. 'Abd Al-Mājid bin 'Abd Al-Azīz bin Abū Rawād (wafat 186H); seorang yang *thiqah*.⁶¹

5.0 Kehidupan Al-Shāfi'ī di Madinah

Sewaktu di Mekah lagi, al-Shāfi'ī telah tertarik dengan berita Imām Mālik sebagai tokoh ahli hadis yang masyhur di Hijāz⁶². Sebelum itu, beliau juga telah meminjam kitab *al-Muwatta'* dari seorang lelaki Mekah, dan menghafal keseluruhan kandungan kitab itu pada usianya 10 tahun⁶³. Al-Shāfi'ī telah menggunakan sepucuk surat dari gabenor Mekah sebagai syarat berjumpa dengan Imām Mālik. Umur al-Shāfi'ī pada waktu itu baru 13 tahun, setengah riwayat mengatakan 20 tahun⁶⁴. Al-Shāfi'ī telah bermulāzamah dengan Imām Mālik, dan mendalami ilmu hadis dan fiqhnya sehingga ke akhir hayatnya pada tahun 179H. Ketika itu al-Shāfi'ī sudah pun berumur 29 tahun, maksudnya beliau menuntut di Madinah selama 9 tahun⁶⁵.

Kewujudan al-Shāfi'ī di Madinah tidak pernah menghalangnya untuk bertemu dengan kabilah *Arab Badwī* bagi memperkasakan bahasanya. Kadang-kadang beliau pulang ke Mekah untuk menziarahi ibunya⁶⁶. Sewaktu berusia 15 tahun, al-Shāfi'ī telah diberi kepercayaan dari gurunya Muslim bin Khālid Al-Zinjī, untuk memberikan fatwa dan mengajar hadis di Masjid al-Harām⁶⁷. Riwayat lain mengatakan umur beliau ketika

⁶⁰Ibn Sa'ad, Muhammad bin Sa'ād bin Munī' al-Baṣrī (t.t), *Tabaqāt al-Kubrā*, Op.cit, Jld 5, h 498.

⁶¹Ibn Hajar 'Asqalānī, Ahmad bin Ali (2000), *Tahdhīb al-Tahdhīb*, Op.cit, Jld 6, h 381-383.

⁶²Abū Zuhrah, Muḥammad (1996), *Tārīkh Madhāhib Islāmiyyah*, Op.cit, h 427.

⁶³Ibn Kathīr, Abū al-Fidā' Ismā'īl bin Umar al-Dimashqī(1932), *al-Bidāyah wa al-Nihāyah fī al-Tārīkh*, Mesir, Maṭba'ah al-Sa'ādah, Jld 9, h 25.

⁶⁴Nahrawī, Ahmad (1988), *Imām Al-Shāfi'ī fī Madhhabāyhī al-Qadīm wa al-Jadīd*, Cet 1, Maṭba'ah Qāherah, h 427.

⁶⁵Abū Zuhrah, Muḥammad (1996), *Tārīkh Madhāhib Islāmiyyah*, Op.cit, h 427-429.

⁶⁶Ibid, h 428.

⁶⁷Ibn Khaliqān, Shams al-Dīn Abī al-'Abbās Aḥmad bin Muḥammad(1949), *Wafayāt al-A'yān wa al-Anbā'a Abnā'a al-Zamān*, Kaherah, Maktabah Nahḍah al-Miṣriyyah, Jld 1, h 566

dibenarkan berfatwa adalah 20 tahun⁶⁸. Mengikut setengah ulamak seperti al-Ramlī, Imām Mālik juga memberi izin berfatwa kepada al-Shāfi‘ī. Pendapat ini disokong oleh al-Bujāyrimī⁶⁹. Bagaimana pun, tiada riwayat yang jelas berkenaan dakwaan ini.

Sedang riwayat yang dinaqalkan adalah : Muslim Khālid Al-Zinjī berkata: “Berilah fatwa wahai Abū ‘Abd Allāh, kerana sudah tiba waktu untuk engkau memberi fatwa”. Riwayat ini telah diperkuuhkan dengan kata Sufyān bin Uyānah apabila orang meminta fatwanya, beliau berkata : “Tanyalah (hukum berkenaan) kepada budak ini (iaitu al-Shāfi‘ī)”⁷⁰. Kedua riwayat ini boleh dikompromikan dengan makna al-Shāfi‘ī mendapat keizinan berfatwa dari kedua gurunya, Mālik dan Muslim pada tahun yang sama⁷¹. Selama di Madinah, al-Shāfi‘ī hanya bergantung kepada wang peruntukan *Bāyt al-Māl* yang diberikan kepada keturunan Banī Muṭṭalib⁷².

5.1 Guru-guru Al-Shāfi‘ī di Madinah

Ketika menuntut di Madinah, al-Shāfi‘ī tidak hanya berguru dengan Imām Mālik. Beliau juga berguru dengan tokoh-tokoh ulamak Madinah yang lain. Antaranya :

1. Imām Mālik bin Anas Al-Asbahī (wafat 179H); merupakan tokoh besar Madinah dan salah seorang imam mazhab empat, iaitu pengasas *madhhab* Mālikī. Beliau seorang

⁶⁸Abū Zuhrah, Muḥammad (1996), *Tārīkh Madhāhib Islāmiyah*, Op.cit, h 427.

⁶⁹Ramlī, Syamsu al-Dīn Muhammad bin Abī al-Abbās bin Shihāb al-Dīn al-(1968), *Nihāyatul Muhtāj ilā Syarh al-Minhāj*, Cet 1, Kaherah, Matba’ah Muṣṭafā al-Bābī al-Halabī, Jld 1, h 306.

⁷⁰Nawawī, Abū Zakariyā Yahyā bin Sharf(1992), *Tahdhīb al-Asmā’ wa al-Lughāt*, Beirut, Dār Kutub ‘Ilmiyyah, Jld 1, h 50.

⁷¹Nahrawī, Aḥmad (1988), *Imām Al-Shāfi‘ī fī Madhhabāyhī al-Qadīm wa al-Jadīd*, Cet 1, Maṭba’ah Qāherah, h 50-51.

⁷²Ibid, h 429.

yang sangat tegas dalam agamanya, dan juga mempunyai karya hadis tersohor iaitu *al-Muwaṭṭa*⁷³.

2. Abū Ishaq Ibrāhim bin Sa'ad Al-Qurashī Al-Madanī (wafat 183/184H); salah seorang dari tābi'i tābi'iñ. Seorang yang *thiqah* dan banyak riwayat hadisnya diterima oleh Bukhārī dan Muslim⁷⁴.
3. Abū Muḥammad 'Abd Al-Azīz bin Muḥammad Al-Darāwardī (wafat 187H); berasal dari Khurasan, dan dilahirkan di Madinah. Namun beliau banyak tersilap meriwayatkan hadis⁷⁵.
4. Ibrāhim bin Abī Yaḥyā Al-Aslamī (wafat 184H); seorang yang berfahaman *mu'tazilah* dan banyak meriwayat hadis, kebanyakannya hadisnya tidak ditulis⁷⁶.
5. Muḥammad bin Ismā'il bin Muslim Abī Fidāyk (wafat 199H/200H); seorang yang *thiqah* menurut ibn Ḥibbān.⁷⁷
6. Abū Muḥammad 'Abd Allāh bin Nāfi' Al-Ṣā'i'gh (wafat 206H); merupakan murid yang setia kepada Imām Mālik, dan mendapat kepercayaan gurunya.⁷⁸

6.0 Kehidupan Al-Shāfi'i di Yaman

Keberangkatan al-Shāfi'i ke Yaman adalah melalui bantuan pemberi amanah Quraysh yang berkenalan dengan gabenor kota Yaman. Sebelum ke Yaman, al-Shāfi'i telah menggadaikan rumahnya sebagai bekalan⁷⁹. Semasa di Yaman, al-Shāfi'i telah dilantik

⁷³Ibn Ḥajar 'Asqalānī, Aḥmad bin Alī (t.t), *Tahdhīb al-Kamāl*, Beirut, Muassasah al-Risālah, Jld 3, h 129.

⁷⁴Al-Nawawī, Abū Zakariyā Yaḥyā bin Sharf(1992), *Tahdhīb al-Asmā' wa al-Lughāt*, Op.cit, Jld 1, h 103.

⁷⁵Ibn Sa'ad, Muḥammad bin Sa'ad bin Munī' al-Baṣrī (t.t), *Tabaqāt al-Kubrā*, Op.cit, Jld 5, h 424.

⁷⁶*Ibid*, Jld 5, h 425

⁷⁷Ibn Ḥajar 'Asqalānī, Aḥmad bin Alī (2000), *Tahdhīb al-Tahdhīb*, Beirut, Muassasah al-Risālah, Jld 9, h 61.

⁷⁸Ibn Sa'ad, Muḥammad bin Sa'ad bin Munī' al-Baṣrī (t.t), *Tabaqāt al-Kubrā*, Op.cit, Jld 5, h 438.

⁷⁹Abū Zuhrah, Muḥammad (1996), *Tārīkh Madhāhib Islāmiyyah*, Kaherah, Dār Fikr 'Arabī, h 429.

sebagai *qādī*. Riwayat lain mengatakan sebagai pegawai di Najran⁸⁰. Dengan ilmu yang tinggi dan sikapnya yang tegas, menjadikan al-Shāfi‘ī terkenal di Yaman⁸¹. Tetapi keterampilan al-Shāfi‘ī tidak disenangi oleh beberapa pihak yang suka mengampu dan menyogok para pegawai di Najran untuk kepentingan mereka, melainkan al-Shāfi‘ī⁸². Hasilnya, al-Shāfi‘ī dituduh bersekongkol dengan puak *Shī‘ah ‘Alawiyah* bagi menjatuhkan kerajaan ‘Abbāsiyyah yang dipimpin Ḥārūn Al-Rashīd. Tuduhan itu dibuat disebabkan kenyataan al-Shāfi‘ī : “ Sekiranya golongan Rāfiḍah mencintai keturunan keluarga Rasulullah S.A.W, maka saksikanlah sekalian manusia dan jin (thaqalāyn) bahawa aku adalah Rāfiḍah ”⁸³.

Setelah ditangkap, al-Shāfi‘ī dibawa ke kota Bagdad dengan kedua tangannya digari. Ada riwayat mengatakan beliau ditangkap di Mekah, dan bukan di Yaman. Namun keduanya dapat dikompromikan bahawa al-Shāfi‘ī dituduh ketika beliau pulang ke Mekah untuk menziarahi ibunya, sedangkan beliau ditangkap ketika datang semula ke Yaman⁸⁴. Umur al-Shāfi‘ī ketika itu berusia 34 tahun, bersamaan 184H.

6.1 Guru-guru Al-Shāfi‘ī di Yaman

Dalam tempoh 5 tahun di Yaman (iaitu dari 179H hingga 184H), al-Shāfi‘ī telah berguru dengan beberapa tokoh ulamak, antaranya :

⁸⁰Al-Mas‘ūdī, Muḥammad Radīd (1996), *Al-Mu’tamad min al-Qadīm Qāwl Al-Shāfi‘ī ‘alā al-Jadīd*, Riyāḍ, Dār Kutub, h 11.

⁸¹Judlī, Nur Abd (2006), *Manāhij Fuqahā’ al-‘Arba’ah*, Cet 1, Kuala Lumpur, Dār Tajdīd, h 124.

⁸²Abū Zuhrah, Muḥammad (1996), *Al-Shāfi‘ī*, Cet 2, Kaherah, Dār Fikr ‘Arabī, h 21.

⁸³*Ibid*, h 430.

⁸⁴*Ibid*, h 22.

1. Abū Ayyūb Muṭtarif bin Mazīn Al-Šan‘ānī (wafat 191H); beliau merupakan qādī di daerah San‘ā, dan seorang yang salih⁸⁵.
2. Hishām bin Yūsuf (wafat 197H); mendapat sebutan Abū ‘Abd Al-Rahmān. Beliau merupakan perawi yang banyak meriwayatkan hadis di Yaman. Beliau juga pernah menjadi qādī di San‘ā⁸⁶.
3. ‘Amrū bin Abī Salamah Al-Zuhrī (wafat 132H di Shām kerana dibunuh); beliau adalah pengikut setia (*ṣāhib*) Al-Awza‘ī. Beliau seorang yang *thiqah* dan benar (*ṣadūq*) dalam meriwayatkan hadis⁸⁷.
4. Yaḥyā bin Ḥasan bin Ḥayyān Al-Bakrī (wafat 208H); beliau adalah pengikut setia (*ṣāhib*) Al-Lāyth bin Sa‘ad dan seorang yang *thiqah*⁸⁸.

7.0 Kehidupan Al-Shāfi‘ī di Iraq

Di Iraq, al-Shāfi‘ī telah dibebaskan dari hukuman bunuh disebabkan kepetahan hujahnya ketika berdialog dengan khalifah⁸⁹. Campur tangan ulamak terkemuka Iraq, Muḥammad Ibn Ḥasan al-Shāybānī juga menjadi penyebab kepada pembebasan al-Shāfi‘ī⁹⁰. Sebenarnya pertemuan antara Muḥammad dan al-Shāfi‘ī ini adalah buat kali kedua. Sebelum ini, kedua-duanya pernah menuntut bersama dengan Imām Mālik di

⁸⁵ Al-Nawawī, Abū Zakariyā Yaḥyā bin Sharf(1992), *Tahdhīb al-Asmā’ wa al-Lughāt*, Beirut, Dār Kutub ‘Ilmiyyah, Jld 1, h 97.

⁸⁶ Ibn Sa‘ad, Muhammad bin Sa‘ad bin Munī‘ al-Basrī (t.t.), *Tabaqāt al-Kubrā*, Beirut, Dār al-Sadr, Jld 5, h 548.

⁸⁷ Ibn Ḥajar ‘Asqalānī, Aḥmad bin Ali (2000), *Tahdhīb al-Tahdhīb*, Beirut, Muassasah al-Risālah, Jld 7, h 456-457.

⁸⁸ *Ibid*, Jld 11, h 197.

⁸⁹ Antara dialog tersebut: Al-Shāfi‘ī berkata: “wahai Amīr al-Mukminīn, apa pandangan tuanku terhadap dua orang yang salah seorang darinya menganggap aku sebagai saudaranya, dan seorang lagi menganggap aku sebagai hambanya, mana antara keduanya yang lebih kau sukai?”, jawab Hārūn : “sudah pasti yang melihat engkau sebagai saudaranya”, jawab Al-Shāfi‘ī : “dan orang itu adalah engkau wahai Amīr al-Mukminīn!, kerana tuanku dari keturunan Abbās, dan mereka (syiah) keturunan Ali, dan kami (al-Shāfi‘ī) pula keturunan Banū Muṭṭalib, maka tuanku dari keturunan ‘Abbās melihat kami seperti saudara sendiri, sedangkan mereka (shī‘ah) melihat kami seperti hamba mereka”. Al-Hamawī, Ibn Abd Allāh Yaqūt Abd Allāh(1980), *Mu‘jam Udarā*, Beirut, Dār Kutub ‘Ilmiyya, Jld 17, h 287.

⁹⁰ Abū Zuhrah, Muḥammad (1996), *Al-Shāfi‘ī*, Cet 2, Kaherah, Dār Fikr ‘Arabī, h 23.

Madinah⁹¹. Selama di Baghdad, al-Shāfi‘ī telah mempelajari *fiqh ahl al-ra‘y* dengan menghafal setiap buku-buku karangan Muhammad. Pengajian al-Shāfi‘ī ini berterusan sehingga Muhammad wafat pada tahun 189H, dimana al-Shāfi‘ī berusia 39 tahun⁹².

Al-Shāfi‘ī kerap kali berdebat dengan anak-anak murid Muhammad yang sebaya dengannya. Ketika berdebat, al-Shāfi‘ī menganggap dirinya sebagai anak murid Imām Mālik yang mempertahankan *manhāj fiqh Hijaz*⁹³. Tujuan al-Shāfi‘ī adalah untuk mencari kebenaran hukum melalui perdebatan tersebut. Al-Shāfi‘ī sendiri menyebut : “Tidaklah aku berdebat dengan seseorang, melainkan aku tidak peduli samada Allah Ta‘ala akan menyatakan kebenaran itu di pihaku atau di pihak lawan”⁹⁴.

Al-Shāfi‘ī juga pernah berdialog dengan Muhammad berkaitan kes penerimaan saksi dengan bersumpah⁹⁵. Pendekatan berdialog ini menunjukkan al-Shāfi‘ī telah dipengaruhi dengan metod *ahl al-ra‘y* seperti mana yang diguna pakai Imām Abū Ḥanīfah terhadap murid-muridnya⁹⁶. Kali pertama al-Shāfi‘ī di Baghdad tidaklah begitu lama. Menurut Abū Zuhrah selama dua tahun⁹⁷. Kepulangan al-Shāfi‘ī ke Mekah semula adalah sebagai tokoh ulamak yang unik, kerana terkumpul padanya *fiqh ahl al-hadīth* dan *ahl al-ra‘y*⁹⁸.

7.1 Guru-guru Al-Shāfi‘ī di Iraq

⁹¹ Abū Zuhrah, Muhammad (1996), *Tārīkh Madhāhib Islāmiyyah*, Kaherah, Dār Fikr ‘Arabī, h 431.

⁹² Al-Daqqār, Abd Al-Ghanī (1990), *Al-Imām al-Shāfi‘ī Faqīh al-Sunnah al-Akbar*, Cet 5, Damsyiq, Dār al-Qalam, h 107.

⁹³ Abū Zuhrah, Muhammad (1996), *Tārīkh Madhāhib Islāmiyyah*, *Op.cit*, h 432.

⁹⁴ Muhammad Yūsuf Mūsā(1961), *Al-Madkhal li Al-Dirāsāt Al-Fiqh Al-Islāmi*, Kaherah, Dār Kitāb al-A’rābī, h 151.

⁹⁵ Al-Shāfi‘ī, Al-Imām Muhammad bin Idrīs (1990), *Al-Um*, Cet 1, Dār al-Fikr, Jld 7, h 31.

⁹⁶ Mahmood Zuhdi(2004), *Sejarah Pembinaan Hukum Islam*, Cet 6, Jabatan Penerbitan UM, h 165.

⁹⁷ Al-Shāfi‘ī, Al-Imām Muhammad bin Idrīs (1990), *Al-Um*, *Op.cit*, h 125.

⁹⁸ Ahmad Amīn (1938), *Duḥā Islām*, Cet 2, Kaherah, Lajnah Ta‘līf wa al-Tarjamah wa al-Nashr, Jld 2, h 220.

Di Iraq, al-Shāfi‘ī tidak hanya berguru dengan Imām Muḥammad bin Ḥasan. Bahkan dengan beberapa ulamak-ulamak lain. Antaranya :

1. Abū ‘Abd Allāh Muḥammad bin Ḥasan Al-Shāybānī (wafat 179H); beliau merupakan murid Imām Abū Ḥanīfah dan Abū Yūsuf. Beliau antara tokoh ulamak *ahl al-ra'y* yang hebat dan menjadi rujukan utama *madhhab hanafi*⁹⁹.
2. Wāqī‘ bin Al-Jarrāḥ Al-Kūfī (wafat 197H); dipanggil sebagai Abū Sufyān. Beliau merupakan tokoh ulamak hadis Iraq yang banyak meriwayatkan hadis. Beliau *thiqah* lagi amanah¹⁰⁰.
3. ‘Abd Wahhāb bin Abd Majīd Al-Baṣrī Al-Thaqafī (wafat 194H); beliau merupakan tokoh ulamak hadis di Basrah. Beliau perawi yang *thiqah* dalam meriwayatkan hadis¹⁰¹.
4. Abū Usāmah Ḥamād bin Usāmah Al-Kūfī Al-Hāshimī (wafat 201H); seorang yang *thiqah* menurut Imām Aḥmad.¹⁰²

Ketika di Iraq, al-Shāfi‘ī bukan sekadar mempelajari kaedah penggunaan *al-qiyās*. Bahkan beliau juga mempelajari hadis dan mengambil riwayat-riwayat hadis yang tidak terdapat di Hijaz¹⁰³.

⁹⁹ Muhammad Khudrī Bik(1963), *Tārīkh Tashrī‘ al-Islāmī*, Kaherah, Maṭba‘ah Sa‘ādah, h 234.

¹⁰⁰Ibn Sa‘ad, Muhammad bin Sa‘ad bin Mumīn’ al-Baṣrī (t.t), *Tabaqāt al-Kubrā*, Beirut, Dār al-Sadr, Jld 7, h 394.

¹⁰¹*Ibid*, Jld 7, h 289.

¹⁰²Ibn Ḥajar ‘Asqalānī, Aḥmad bin Ali (2000), *Tahdhīb al-Tahdhīb*, Beirut, Muassasah al-Risālah, Jld 3, h 2-3.

¹⁰³Abū Zuhrah, Muḥammad (1996), *Tārīkh Madhāhib Islāmiyyah*, Kaherah, Dār Fikr ‘Arabi, h 432.

8.0 Kepulangan Al-Shāfi‘ī ke Mekah (tahun 189H)

Sekembali al-Shāfi‘ī ke Mekah, beliau telah melakukan kajian perbandingan terhadap hasil-hasil ijtihad *ahl al-ḥadīth* dan *ahl al-ra'y* dalam kes-kes *furū'*¹⁰⁴. Hasil kajian tersebut, al-Shāfi‘ī telah mencapai dua perkara asas¹⁰⁵ :

1. Mewujudkan mazhab baru. Hal ini berlaku selepas ke semua pandangan Imām Mālik dan metodenya dikaji dan diselidik dengan secara kritis. Dari sini al-Shāfi‘ī telah menulis sebuah kitab berjudul *Khilāf Mālik* (hal-hal yang tidak disepertujui al-Shāfi‘ī dengan metode Imām Mālik). Hal yang sama dilakukan ke atas pendapat Muḥammad ibn Ḥasan dan guru-gurunya -Abū Ḥanīfah dan Abū Yūsuf- secara kritis. Hasilnya terbitlah kitab bertajuk *Khilāf Al- 'Irāqiyyīn* (hal-hal yang tidak disepertujui al-Shāfi‘ī dengan metode ulamak-ulamak Iraq).
2. Membina asas metode penyelidikan hukum. Sebenarnya para ulamak terdahulu sudah pun mempunyai metode penyelidikan hukum masing-masing. Cuma metode penyelidikan mereka itu berupa keterangan-keterangan umum yang tidak terperinci dan teratur¹⁰⁶.

Hasil pencapaian metode baru al-Shāfi‘ī ini diperkenalkan kepada orang ramai. Metode barunya itu telah menarik minat ulamak-ulamak terkemuka, seperti Imām Aḥmad bin Ḥanbal, Ishāq bin Rāhawāyh serta yang lainnya¹⁰⁷. Malah ulamak Iraq seperti Abd Al-

¹⁰⁴ Abū Sulaymān Aḥmad Ibn Abd Allāh (1999), *Manhajiyah Imām Muḥammad bin Idrīs Al-Shāfi‘ī*, Cet 1, Beirut, Dār Ibn Ḥazim, h 24-25.

¹⁰⁵ Mahmood Zuhdi(2004), *Sejarah Pembinaan Hukum Islam*, Cet 6,Jabatan Penerbitan UM, h 166.

¹⁰⁶ Al-Zājdān, Abd Al-Karīm, (2003), *Al-Wajīz fī Usūl al-Fiqh*, Cet 1, Beirūt, Muassasah Islāmiyah, h 16.

¹⁰⁷ Al-Rāzī, Fakhr Al-Dīn Muḥammad bin Umar bin Alī (t.t), *Maṇaqib Imām Al-Shāfi‘ī*, Kaherah, Maktabah ‘Alāmiyah, h 41-43.

Raḥmān Al-Mahdī juga menyatakan minatnya untuk menulis sepucuk surat kepada al-Shāfi‘ī tentang cara memahami al-Quran, cara berhujah dengan hadis, kedudukan *ijmā‘*, dan ilmu *nasakh mansūkh* dalam al-Quran dan al-Sunnah¹⁰⁸.

Surat balas al-Shāfi‘ī kepada Abd Al-Raḥmān melalui perantaraan Ḥārith bin Surāyj Al-Naqqāl, merupakan kitab *al-Risālah* yang menjadi kitab *uṣūl fiqh* yang pertama. Ia dinamakan *al-Risālah* sempena surat balas al-Shāfi‘ī kepada Abd Al-Raḥmān Al-Mahdī¹⁰⁹. Menurut Al-Rāzī, kitab *al-Risālah* ini ditulis ketika al-Shāfi‘ī berada di Iraq. Berkemungkinan al-Shāfi‘ī menulis kitab *al-Risālah* di Mekah, lalu memberikan kepada Abd Al-Raḥmān ketika beliau di Iraq¹¹⁰.

9.0 Kedatangan Al-Shāfi‘ī Semula ke Iraq (tahun 195H)

Setelah 9 tahun di Mekah, al-Shāfi‘ī kembali semula ke Iraq dengan tujuan menyebarkan metode dan mazhab barunya¹¹¹. Pemergian kali kedua al-Shāfi‘ī ke Iraq berlaku pada tahun 195H, iaitu ketika beliau berumur 45 tahun¹¹². Di Baghdad, al-Shāfi‘ī telah mengadakan kelas pengajiannya di *Jāmi‘ Gharbī*¹¹³. Kuliah beliau juga telah menarik perhatian para tokoh ulamak Iraq seperti Aḥmad bin Ḥanbal, Isḥāq bin Rāhawāyh, Abū Thāwr, Al-Za‘farānī dan Al-Karābisī¹¹⁴.

¹⁰⁸ *Ibid*, h 60.

¹⁰⁹ Al-Ḥamawī, Ibn ‘Abd Allāh Yaqūt ‘Abd Allāh(1980), *Mu’jam Udarbā*, Beirut, Dār Kutub ‘Ilmiyyah, Jld 17, h 313.

¹¹⁰ Abū Zuhrah, Muḥammad (1996), *Al-Shāfi‘ī*, Cet 2, Kaherah, Dār Fikr ‘Arabī, h 26-27.

¹¹¹ Nahrawī, Aḥmad (1988), *Imām Al-Shāfi‘ī fī Madhhabāyhī al-Qadīm wa al-Jadīd*, Cet 1, Maṭba‘ah Qāherah, h 67-68.

¹¹² Abū Zuhrah, Muḥammad (1996), *Al-Shāfi‘ī*, *Op.cit*, h 26-27.

¹¹³ Ibn Ḥajar ‘Asqalānī, Ahmad bin Ali (1301H), *Tawālī Ta’sis bi al-Ma‘ālī Ibn Idrīs*, Kaherah , Maṭba‘ah Munīriyyah, h 58.

¹¹⁴ Nawayī, Abū Zakariyā Yaḥyā bin Sharf(1992), *Tahdhīb al-Asmā‘ wa al-Lughāt*, Beirut, Dār Kutub ‘Ilmiyyah, Jld 1, h 61.

Dalam kelas pengajiannya, al-Shāfi‘ī menekankan soal kepentingan ilmu hadis sebagai asas pengajian fiqh. Tujuannya bagi memperbetulkan keadaan di Iraq yang hanya menumpukan pada aspek periwayatan hadis sahaja¹¹⁵. Selain itu, al-Shāfi‘ī juga menjelaskan ilmu *uṣūl fiqh* mengikut kaedah pendekatan hukum yang betul. Ishāq bin Rāhawāyh berkata : “sebelum kedatangan al-Shāfi‘ī, kami tidak pernah mengetahui apa itu ilmu Nāsikh dan Mansūkh”¹¹⁶. Kepetahan al-Shāfi‘ī dalam berbahasa, dan kehebatan beliau dalam mengemukakan hujah berserta dalil-dalilnya, menjadi faktor majlis ilmu beliau mendapat sambutan ramai pihak¹¹⁷. Sehingga dikatakan : “ketika al-Shāfi‘ī tiba di Baghdād (untuk mengajar di Jāmi’ Gharbī), terdapat 20 kelas pengajian yang masing-masing berada di bawah bimbingan ulamak ahl al-Ra’y, apabila tiba hari Jumaat, kelas pengajian itu hanya tinggal 3 atau 4 kelas sahaja ”¹¹⁸.

Dari kelas pengajian ini, al-Shāfi‘ī telah berjaya melahirkan tokoh-tokoh ulamak yang hebat. Bahkan ada diantara mereka yang menjadi pengikut setia mazhab al-Shāfi‘ī, dan meninggalkan mazhab guru mereka sebelum ini¹¹⁹. Ketika di Iraq juga al-Shāfi‘ī telah memperbaiki semula penulisan terdahulunya seperti “*al-Risālah*”, serta menghasilkan penulisan baru seperti “*al-Mabsūt*” dan “*al-Hujjah*”¹²⁰. Di mana karya-karya ini mewakili pendapat lama beliau atau *qāwl qadīmnya*.

¹¹⁵ *Ibid*, h 60.

¹¹⁶ Abū Zuhrāh, Muḥammad (1996), *Tārīkh Madhāhib Islāmiyyah*, Kaherah, Dār Fikr ‘Arabī, h 434.

¹¹⁷ Abū Zuhrāh, Muḥammad (1996), *Al-Shāfi‘ī*, *Op.cit*, h 30.

¹¹⁸ Nahrawī, Aḥmad (1988), *Imām Al-Shāfi‘ī fī Madhhabāyhī al-Qadīm wa al-Jadīd*, Cet 1, Maṭba‘ah Qāherah, h 69

¹¹⁹ Nawawī, Abū Zakariyā Yaḥyā bin Sharf(2001), *Al-Majmū‘ Sharḥ Muhadhdhab*, Cet1, Beirut, Dār Ihyā’ al-Turāth al-‘Arabī, Jld 1, h 16.

¹²⁰ Abū Zuhrāh, Muḥammad (1996), *Tārīkh Madhāhib Islāmiyyah*, *Op.cit*, h 434.

10. Kembali Al-Shāfi‘ī ke Iraq (tahun 198H)

Sebelum ini al-Shāfi‘ī berada di Iraq selama dua tahun¹²¹. Namun pada kali ini beliau hanya singgah di Iraq untuk beberapa bulan sahaja¹²². Hal ini berlaku di atas sebab-sebab berikut :

1. Al-Shāfi‘ī mendapati pengaruh mazhab Ḥanafī lebih mendominasi suasana di Iraq berbanding mazhabnya¹²³.
2. Al-Shāfi‘ī meninggalkan Iraq kerana gabenor Mesir bernama Al-‘Abbās bin ‘Abd Allāh bin Al-‘Abbās mengajak beliau menemaninya ke Mesir. Selain gabenor Mesir ini juga berketurunan Banī Hāshim yang mempunyai hubungan kekeluargaan dengan Al-Shāfi‘ī¹²⁴.
3. Al-Shāfi‘ī ke Mesir kerana di sana terdapat ramai pengikut Imām Mālik. Atas dasar persamaan latar belakang pengajian menjadikan al-Shāfi‘ī lebih serasi dengan mereka berbanding di Iraq¹²⁵.
4. Al-Shāfi‘ī meninggalkan Iraq di atas sebab politik dan akademik¹²⁶. Aspek politik, al-Shāfi‘ī tidak suka dengan pengaruh Parsi yang semakin kuat di Iraq hasil kemenangan Al-Ma’mūn (yang berbangsa Parsi) ke atas saudaranya Al-Amīn (yang berketurunan Arab). Aspek akademik pula, al-Shāfi‘ī hendak menjauhkan dari fitnah ideologi

¹²¹ *Ibid*, h 434.

¹²² Ibn Ḥajar ‘Asqalānī, Ahmad bin Ali (1301H), *Tawālī Ta’sīs bi al-Ma’ālī Ibn Idrīs*, Kaherah , Maṭba‘ah Munīriyyah, h 86.

¹²³ Ahmad Amīn (1938), *Duḥā Islām*, Cet 2, Kaherah, Lajnah Ta’līf wa al-Tarjamah wa al-Nashr, Jld 2, h 223.

¹²⁴ Al-Hamāwī, Ibn Abd Allāh Yaqūt Abd Allāh(1980), *Mu’jam Udarābā*, Beirut, Dār Kutub ‘Ilmiyyah , Jld 17, h 321.

¹²⁵ Mahmood Zuhdi(2007),22-23 Ogos,*Seminar Pemikiran Tajdid Imam Al-Shāfi‘ī*, Kertas Kerja I, Akademi Pengajian Islam,UM, h 6.

¹²⁶ Mahmood Zuhdi(2004), *Sejarah Pembinaan Hukum Islam*, Cet 6, Jabatan Penerbitan UM, h 167.

mu'tazilah yang menular di Iraq. Ini kerana Al-Ma'mūn seorang yang berfahaman *mu'tazilah*. Kebanyakan para fuqahā' telah dipaksa memperakui ideologi ini¹²⁷.

5. Al-Shāfi'i berpindah ke Mesir kerana ingin mengembangkan ilmunya serta mencari ilmu-ilmu baru yang belum diterokainya¹²⁸.

Berdasarkan sebab-sebab di atas, penulis cenderung kepada pandangan kelima memandangkan ianya sangat relevan untuk dijadikan alasan mengapa al-Shāfi'i meninggalkan Iraq dan berpindah ke Mesir.

11. Kehidupan Al-Shāfi'i di Mesir

Tujuan al-Shāfi'i ke Mesir kerana di sana terdapat beberapa tokoh ulamak sohor seperti Al-Lāyth bin Sa'ad yang merupakan sahabat baik Imām Mālik. Disamping itu, ramai juga bekas anak murid Imām Mālik yang menetap di sana¹²⁹. Mengikut ahli sejarah, al-Shāfi'i tiba di Mesir pada tahun 199H. Ada mengatakan pada tahun 200H¹³⁰. Namun Al-Nawawī menyimpulkan bahawa al-Shāfi'i tiba di Mesir pada akhir tahun 199H¹³¹. Ketika al-Shāfi'i di Mesir, pengaruh fiqh di sana telah dipelopori oleh dua golongan, iaitu mazhab Mālikī sebagai majoriti dan mazhab Ḥanafī sebagai minoriti¹³².

¹²⁷ Abū Zuhrah, Muḥammad (1996), *Tārīkh Madhāhib Islāmiyyah*, Kaherah, Dār Fikr 'Arabī, h 435-436.

¹²⁸ Nahrawī, Aḥmad (1988), *Imām Al-Shāfi'i Madhabayhi al-Qadīm wa al-Jadīd*, Cet 1, Maṭba'ah Qāherah, h 77-78.

¹²⁹ Abū Zuhrah, Muḥammad (1996), *Tārīkh Madhāhib Islāmiyyah*, *Op.cit*, h 436.

¹³⁰ Ibn Khalikān, Shams al-Dīn Abī al-'Abbās Aḥmad bin Muḥammad(1949), *Wafāyāt al-A'yān wa al-Anbā'a al-Zamān*, Kaherah, Maktabah Nahḍah al-Miṣriyyah, Jld 1, h 566.

¹³¹ Al-Nawawī, Abū Zakariyā Yahyā bin Sharf(1992), *Tahdhīb al-Asmā' wa al-Lughāt*, Beirut, Dār Kutub 'Ilmiyyah, Jld 1, h 48.

¹³² Aḥmad Amīn (1938), *Duḥā Islām*, Cet 2, Kaherah, Lajnah Ta'lif wa al-Tarjamah wa al-Nashr, Jld 2, h 90-91.

Ketika al-Shāfi‘ī ke Mesir, beliau ditemani dua orang anak muridnya iaitu Rabī‘ bin Sulāymān dan Abd Allāh bin Zuhāyr al-Ḥumāyd. Tiba di Mesir, al-Shāfi‘ī singgah menjenguk kerabatnya dari suku *al-Azd*. Tindakan ini bagi mengikuti sunnah Nabi S.A.W yang menziarahi suku Banī Najjār setelah baginda tiba di Madinah¹³³. Di Mesir, al-Shāfi‘ī mengadakan kelas pengajian di *Jāmi‘ Amrū bin Al-‘Āṣ* yang terletak di Fustāṭ¹³⁴. Hasilnya ramai pengikut mazhab Mālikī dan Ḥanafī yang beralih kepada madhhab beliau. Antara tokoh mazhab Mālikī yang menjadi pengikut al-Shāfi‘ī adalah al-Buwāyī dan al-Muzannī¹³⁵. Kelebihan majlis ilmu al-Shāfi‘ī ini telah diperakui oleh muridnya al-Karābīsī¹³⁶.

Sewaktu di Mesir, al-Shāfi‘ī telah membuat pembetulan kitab *al-Risālah*nya yang lama. Malah beliau juga berjaya menghasilkan kitab *al-Um*¹³⁷. Dimana kitab ini merupakan rujukan utama dalam mazhab Shāfi‘ī, kerana ia hasil semakan semula al-Shāfi‘ī ke atas pendapat-pendapat lamanya dalam kitab *al-Hujjah* atau *al-Mabsūt*. Maka kitab *al-Um* dan *al-Risālah al-Jadīdah* ini mewakili *qāwl jadīdnnya*¹³⁸.

Di Mesir al-Shāfi‘ī telah menarik semula beberapa pendapat lamanya di Iraq. Ini disebabkan al-Shāfi‘ī memperolehi hadis-hadis sahih dan beberapa pandangan fiqh al-Lāyth. Mungkin juga faktor persekitaran di Mesir, yang agak berbeza dengan

¹³³ Nahrawī, Ahmad (1988), *Imām Al-Shāfi‘ī fī Madhhabāyhī al-Qadīm wa al-Jadīd*, Cet 1, Maṭba‘ah Qāherah, h 81.

¹³⁴ Muṣṭafā Abd Al-Razzāq(1944), *Tamhīd lī Al-Tārīkh Al-Falsafah Al-Islāmiyyah*, Kaherah, Lajnah Ta’līf , h 227.
¹³⁵ *Ibid*, h 227.

¹³⁶ Al-Karābīsī ada berkata : “aku belum pernah melihat satu majlis ilmu yang lebih hebat dari majlis ilmu Al-Shāfi‘ī, dimana ianya dikerumuni dan dihadiri oleh ahli hadis, ahli feqah, dan ahli syair, selain didatangi oleh ahli sasterawan bahasa arab yang terkemuka, dan setiap dari mereka memuminya (al-Shāfi‘ī)” Al-Nawawī, Abū Zakariyā Yaḥyā bin Sharf(1992), *Tahdhīb al-Asmā‘ wa al-Lughāt* , Op.cit, h 61.

¹³⁷ Al-Mas‘ūdī, Muḥammad Radīd (1996), *Al-Mu’tamad min al-Qadīm Qāwl Al-Shāfi‘ī ‘alā al-Jadīd*, Riyāḍ, Dār Kutub, h 61.

¹³⁸ Mahmood Zuhdi (2007), 22-23 Ogos, *Seminar Pemikiran Tajdid Imām Al-Shāfi‘ī*, Kertas Kerja I, Akademi Pengajian Islam,UM, h 9-10.

persekitaran di Iraq dan di Hijaz¹³⁹. Al-Shāfi‘ī juga mengambil ilmu dari fiqh al-Lāyth melalui muridnya, Yaḥyā bin Ḥasan Al-Tanīṣī, dan *āthar* dari murid Imām Mālik, ‘Abd Allāh bin ‘Abd al-Ḥakam. Beliau juga tidak ketinggalan mempelajari fiqh al-Awzā‘ī melalui muridnya, Abū Salamah al-Dimashqī dan juga al-Tanīṣī¹⁴⁰. Di Mesir, al-Shāfi‘ī telah berjaya melahirkan tokoh-tokoh ulamak handalan seperti al-Muzannī, al-Buwāyṭī, Ḥirmalah, Muḥammad bin Abd Allāh bin Abd Ḥakam dan lain-lain¹⁴¹.

Al-Shāfi‘ī tidak tinggal begitu lama di Mesir. Setengah riwayat mengatakan tidak lebih dari 5 tahun, riwayat lain pula mengatakan tidak melebihi 6 tahun¹⁴². Ada pendapat yang mengatakan selama 4 tahun¹⁴³. Sekalipun tempoh yang singkat, namun inilah era kegemilangan al-Shāfi‘ī. Kerana karya *al-Um* dan *al-Risālah al-Jadīdah* merupakan kemuncak fiqh al-Shāfi‘ī, memandangkan kedua kitab ini berlaku *tāṣḥīḥ* sebanyak dua kali¹⁴⁴.

¹³⁹ Aḥmad Amīn (1938), *Duhā Islām*, Cet 2, Kaherah, Lajnah Ta’lif wa al-Tarjamah wa al-Nashr, Jilid 2, h 231.

¹⁴⁰ Al-Qawāsimī, Akrām Yūsuf Umar(2003), *Madkhal ilā Madhdhab Imām Al-Shāfi‘ī*, Cet 1, Dār Nafāis, Jordan, h 299-303.

¹⁴¹ Al-Mas‘ūdī, Muḥammad Radīd (1996), *Al-Mu’tamad min al-Qadīm Qāwl Al-Shāfi‘ī ‘alā al-Jadīd*, Op.cit, h 52-53.

¹⁴² Al-Ḥamawī, Ibn ‘Abd Allāh Yaqūt ‘Abd Allāh(1980), *Mu’jam Udabahā*, Beirut, Dār Kutub ‘Ilmiyyah , Jld 17, h 314.

¹⁴³ Al-Qawāsimī, Akrām Yūsuf Umar(2003), *Madkhal ilā Madhdhab Imām Al-Shāfi‘ī*, Op.cit, h 305.

¹⁴⁴ Nahrawī, Aḥmad (1988), *Imām Al-Shāfi‘ī fī Madhabāyhī al-Qadīm wa al-Jadīd*, Cet 1, Maṭba‘ah Qāherah, h 219.